

FERHAD-PAŠA INA DVA AMIJA: Prvi put nakon 18 godina klanjan Bajram-namaz

31/08/2011 10:07 by Administrator

U Ferhad-pašinoj dvorani u Banjaluci, koja je u izgradnji, jutros je prvi put nakon 18 godina klanjan Bajram-namaz povodom velikog muslimanskog praznika Ramazanskog bajrama.

Muftija banjalučki Edhem Ćemalović, koji je u prisustvu vjernika klanjao Bajram-namaz, rekao je da je da je jutros ovaj vjerski obred obavljen i u drugim banjalučkim dvoranama, uz poruku sloge, jedinstva, suživota i tolerancije.

"Bajram-namaz je protekao u lijepoj atmosferi i velikom zadovoljstvu sa porukom da budemo stabilni i jedinstveni u vjeri i da ne živimo samo pored drugih koji nisu muslimani, nego da budemo jedni s drugima i jedni drugima pomažemo", rekao je Ćemalović novinarima nakon vjerskog obreda. Uz čestitke muslimanskim vjernicima za Bajram, muftija banjalučki pozvao je vlasti u BiH, ali i ministra inostanih poslova Turske Ahmeta Davutoglua, da pomognu obnovu Ferhad-pašine dvorane u Banjaluci.

On je naglasio da radovi na Ferhadiji idu dobro. Do sada je obnovljena ulazna kapija, u dvorani su postavljeni lukovi, radi se i treća pomoćna kupola i u toku su pripreme za prsten iznad lukova, kako bi se mogla postaviti glavna kupola.

Govoreći o povratku muslimana u Banjaluku, muftija banjalučki je rekao da je bezbjednosna situacija daleko bolja, ističući da ove godine nije bilo napada ni na imovinu islamske vjerske zajednice, ni na vjernike koji odlaze u dvoranu.

"Imamo više povratnika, iako povratak nije završen dok god se ljudi ne vrate u svoja mjesta, na svoja radna mjesta i na svoja imanja, i Bošnjaci i Hrvati u Banjaluci i Srbi i Hrvati u Sarajevu i Srbi i Bošnjaci u Mostaru, Stocu", rekao je Ćemalović.

Izvor vijesti: BLIN